

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 269036 25 St
Zenica, 22.04.2026. godine

Općinski sud u Zenici, sutkinja Marina Šapina, u stečajnom postupku nad društvom EURO-HANDEL d.o.o. Društvo za posredovanje, uvoz-izvoz, Vukovo b.b., Vukovo, Tešanj, odlučujući o prijedlogu privremenog stečajnog upravnika Haris Vehab iz Tešnja, na ročištu održanom dana 22.04.2026. godine, u prisustvu privremenog stečajnog upravitelja Haris Vehab iz Tešnja i zastupnika po zakonu predlagatelja Ahmed Bećar, direktora, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom EURO-HANDEL d.o.o. Društvo za posredovanje, uvoz-izvoz, Vukovo b.b., Vukovo, Tešanj, MBS: 43-01-0528-15.

O b r a z l o ž e n j e

Prijedlogom od 19.12.2025.godine, predlagatelja EURO-HANDEL d.o.o. Društvo za posredovanje, uvoz-izvoz, Vukovo b.b., Vukovo, Tešanj, zastupan po zastupniku po zakonu Bećar Ahmedu, direktoru društva, pokrenut je stečajni postupak nad navedenim društvom.

Rješenjem ovoga suda br. 43 0 St 269036 25 St od 26.01.2026.. godine, pokrenut je prethodni postupak, radi utvrđivanja uslova za otvaranje stečajnog postupka nad imovinom stečajnog dužnika

Na ročištu za ispitivanje uvjeta za otvaranje stečaja održanom dana 22.04.2026. godine, privremeni stečajni upravitelj je izjavio da ostaje kod svog izvještaja dostavljenog sudu dana 25.02.2026.god. Dalje navodi da je obilaskom mjesta koje je u sudskom registru označeno kao sjedište firme – Vukovo bb, Tešanj, utvrdio da na poslovnim prostorijama i prostoru ispred poslovnih prostorija nema natpisa koji bi upućivali na to da je na toj adresi sjedište firme i da stečajni dužnik tu obavlja poslovne djelatnosti. Iz razgovora sa direktorom društva i na osnovu dokumentacije koja mu je bila na raspolaganju utvrdio je da je društvo osnovano društvo osnovano 2015. godine, da je pretežna djelatnost društva je bila trgovina drvenom građom, da je poslovanje društva u potpunosti obustavljeno, a posljednje poslovne aktivnosti društvo je ostvarilo u 2023. godini, društvo ima ukupno 6 transakcijskih računa (3 u KM i 3 devizna) koji su svi blokirani radi nemogućnosti društva da izvršava svoje dospjele novčane obaveze. Navodi da društvo ima dug po osnovu javnih prihoda, da direktor društva nije u radnom odnosu i društvo nema ni jednog zaposlenog radnika, posljednji finansijski izvještaj sačinjen za potrebe pokretanja stečajnog postupka, a odnosi se na period od 01.01.2024.godine do 31.12.2024.godine, društvo nema vlastito knjigovodstvo, a nema ni zaključen ugovor sa knjigovodstvenom agencijom za obavljanje računovodstvenih poslova, osim poslovne dokumentacije dostavljene sudu uz prijedlog za otvaranje stečajnog postupka, društvo djelimično posjeduje poslovnu dokumentaciju o poslovanju firme u proteklom periodu te dokumentaciju o osnivanju firme. Navodi da je analizom bilansa uspjeha za period od 01.01.2024.godine do 31.12.2024.godine utvrdio da u navedenom periodu društvo nije ostvarilo nikakve poslovne prihode, da društvo u navedenom periodu nije imalo ni rashoda, te da je za isti period dobit društva iznosila 0,00 KM, za isti period gubitak društva iznosi

0,00KM. Iz navedenog proističe da u periodu od 01.01.2024.godine do 31.12.2024.godine, društvo nije ostvarilo ni dobit ni gubitak tako da je na kraju izvještajnog perioda ostvarilo ukupan rezultat od 0,00 KM. U prethodnom periodu od 01.01.2023.godine do 31.12.2023.godine, društvo nije ostvarilo nikakve prihode, rashodi su u istom periodu iznosili 3.050,00 KM i odnose se na bruto plaće zaposlenih, tako da je društvo na kraju tog perioda ostvarilo ukupan poslovni rezultat – gubitak u iznosu od 3.050,00 KM KM. Prema bilansu stanja na dan 31.12.2024.godine, prikazana je ukupna aktiva ili imovina društva u iznosu od 7.984,00 KM, a analizom bilansa stanja utvrđeno je da kratkoročna imovina društva iznosi 7.984,00 KM i u potpunosti odnosi na novac i novčane ekvivalente, odnosno novac u blagajni. Ističe da društvo nema zaliha, sirovina, materijala, roba, gotovih proizvoda, niti ima potraživanja od kupaca, nema dugoročne imovine, nema postrojenja, opreme, namještaja, transportnih sredstava, nematerijalne imovine, niti ostale dugoročne imovine. Ukupan kapital društva iznosi 7.984,00 KM, a vlasnički kapital je iskazan u iznosu od 2.000,00 KM. Dobit društva iznosi 9.034,00 KM i u potpunosti se odnosi na akumuliranu neraspoređenu dobit iz ranijeg perioda, a nema dobiti tekućeg perioda. Gubitak u poslovanju iznosi 3.050,00 KM i odnosi se u potpunosti na akumulirani nepokriveni gubitak iz ranijeg perioda, a nema gubitka tekućeg perioda. Prema Bilansu stanja na dan 31.12.2024.godine iskazana je ukupna pasiva ili obaveze društva u iznosu od 0,00 KM, što znači da nisu iskazane kratkoročne obaveze. Društvo nema iskazanih obaveza prema dobavljačima. Društvo nema iskazanih dugoročnih finansijskih obaveza. Ovako iskazane obaveze društva nisu tačne jer prema Uvjeranju Porezne uprave F BiH, Porezna ispostava Tešanj br. 13-4/4-12-5-3-621/26AM od 05.02.2026.godine, društvo na dan 05.02.2026. godine ima iskazan javni dug po osnovu neplaćenih javnih prihoda u iznosu od 24.200,39 KM.

Prema izvještaju Centralne banke BiH o računima poslovnog subjekta na dan 05.02.2026.godine, EURO-HANDEL d.o.o. ima 6 otvorenih računa (3 u KM i 3 devizna) i to: KM račun br. 3385502256429317 koji je ujedno i glavni račun i devizni račun br. 3385504856430509 u Unicredit bank d.d., koji su blokirani dana 16.05.2022.godine, KM račun br. 1340011120362298 i devizni račun br. 1340011200788005 u ASA banci d.d. koji su blokirani dana 01.12.2022.godine, i KM račun br. 5724760000020962 i devizni račun br. 5724760000021059 u MF banci a.d. Banja Luka koji su blokirani dana 13.05.2022.godine.

Prema Potvrdi UniCredit bank d.d. br. TU12-16-2-26-7/19 od 16.02.2026.godine društvo ima blokirana 2 računa sa stanjem duga na KM računu u iznosu od 183,00 KM i stanjem duga na deviznom računu u iznosu od 20,46 EUR, a prema pregledu naloga prinudne naplate u periodu od 01.01.2001.godine do 16.02.2026.godine, na računima društva u ovoj banci ima ukupno 11 blokada, sve su od Porezne uprave KPU Zenica, na ukupan iznos od 24.366,66 KM. Prema Potvrdi ASA banke d.d. br. 501-19/2026 AR od 16.02.2026.godine društvo ima blokirana 2 računa sa stanjem duga na KM računu u iznosu od 221,84 KM i stanjem na deviznom računu u iznosu od 1,74 KM, a prema pregledu naloga prinudne naplate za račune u ASA banci na dan 16.02.2026.godine, na računima društva u ovoj banci ima ukupno 11 blokada, sve su od Porezne uprave KPU Zenica, na ukupan iznos od 24.187,97 KM.

Privremeni stečajni upravnik navodi da je stečajni dužnik platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a svi računi stečajnog dužnika su blokirani duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom. Navodi da je platežna nesposobnost stečajnog dužnika je nastupila najkasnije dana 01.12.2022.godine, jer stečajni dužnik u periodu od 01.12.2022.godine kao dana blokade računa pa do dana podnošenja prijedloga za otvaranje stečaja, što je period od preko 60 dana neprekidno, ne izmiruje svoje dospjele novčane obaveze. Navodi da društvo ne može ni djelimično niti u cijelosti izmiriti potraživanja povjerilaca, te da stečajni dužnik odnosno organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Ističe da u finansijskom izvještaju društvo ima iskazanu imovinu u ukupnom iznosu od 7.984,00 KM, koja se u potpunosti sastoji od kratkoročne imovine (novac i novčani ekvivalenti u blagajni). Navedeno stanje je bilo na dan 31.12.2024.godine, a trenutno stanje je takvo da u blagajni društva nema navedenih novčanih sredstava. Prema izjašnjenju direktora društva, sredstva iz blagajne su utrošena na sitne nabavke u 2024.godini, koje su plaćene gotovinski. Ni na jednom od računa u bankama, društvo nema raspoloživih novčanih sredstava. Iz finansijskog izvještaja proističe da društvo ima iskazanu imovinu, međutim faktičko stanje ukazuje na to da ova imovina ne postoji. Društvo nema iskazanih potraživanja prema kupcima. Društvo nema pokretne ili nepokretne imovine iz koje bi se mogla formirati stečajna masa ni za izmirenje troškova stečajnog postupka, a dokaz za to je dokumentacija priložena uz izvještaj privremenog stečajnog

upravitelja pribavljena od nadležnih organa.

Navodi da stečajni dužnik ne obavlja nikakvu poslovnu djelatnost, nema poslovnih prostorija, nema ni jednog zaposlenog, ima dospjele obaveze prema javnim prihodima koje prema Uvjeranju Porezne uprave iznose 24.239,00 KM, zbog čega smatram da ne postoje nikakvi izgledi da se poslovanje stečajnog dužnika u cjelini ili djelimično nastavi u toku prethodnog postupka. Predlaže da sud u skladu sa članom 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM. Imajući u vidu naprijed navedeno predlaže da sud pozove zainteresirane osobe da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, donese rješenje o otvaranju i zaključenju stečajnog postupka nad ovim društvom te da po pravomoćnosti istog dostavi registru radi brisanja društva iz sudskog i drugih registara.

Također, privremeni stečajni upravitelj navodi da sukladno članu 61 stav 2 tačka b. Zakona o stečaju organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Zastupnik po zakonu predlagatelja izjavljuje da ostaje kod prijedloga za otvaranje stečaja, da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremenog stečajnog upravitelja, te da je iznos naveden u bilansu stanja 7.984,00 KM, novčani iznos iz blagajne koji je trošen na redovno poslovanje društva i isti se više ne nalazi u blagajni.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbjeđenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupka, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina, v.r.